

DOMENIE XIX «VIE PAL AN»

Antifone di jentrade cf. Sal 73,20.19.22.23

Ten fede, Signôr, a la tô aleance,
no sta dismenteâti par simpri de vite dai tiei biâts.
Jeve sù, Signôr, e pare la tô cause,
no sta dismenteâ lis suplichis di chei che ti clamin.

Colete

Diu onipotent e eterni,
che si permetin di clamâti cul non di Pari,
colme tai nestris cûrs il spirt di fis d'anime,
par ch'o podin jentrâ a gjoldi l'ereditât imprometude.
Pal nestri Signôr Gjesù Crist to Fi, ch'al è Diu
e cun te al vîf e al regne dutune cul Spiritu Sant,
par ducj i secui dai secui.

PRIME LETURE1 Re 19,9.11-13

Sta su la mont denant dal Signôr.

Dal prin libri dai Rê

Rivât Elie su la mont di Diu, l'Oreb, al jentrà tun landri e al restà dute la gnot. La peraule dal Signôr si fasè sinti cussi: «Salte fûr e sta su la mont denant dal Signôr». E ve che il Signôr al passà. Si sinti un grant burlaç, tant fuart ch'al scjassave lis monts e al spacave i crets denant dal Signôr, ma il Signôr nol jere tal burlaç. E daûr dal burlaç un taramot, ma il Signôr nol jere tal taramot; e dopo dal taramot un fûc, ma il Signôr nol jere tal fûc; e daûr dal fûc un sunsûr di un aiarin lizér lizér. A pene che Elie lu sinti, si taponà la muse cu la manteline; al saltâ fûr e si fermà su la jentrade dal landri. Peraule di Diu.

SALM RESPONSORIÂL dal Salm 84

R. Danus, Signôr, la tô presince di pâs.
O vuei scoltâ ce ch'al dîs Diu;
il Signôr sigûr di pâs al fevele
pal so popul e pai siei fedêi.
Sigûr che la salvece e je dongje
par chei che lu rispietin;
la sô glorie e tornarà di ejase te nestre tiere. R.

Bontât e fedeltât si son strenzudis,
justizie e pâs si son bussadis.

La fedeltât e menarà sù de tiere
e e cucarà jù dal cîl la justizie. R.

Di fat il Signôr nus darà ogni ben di sorte
e e butarà il so prodot la nestre tiere.

La justizie e ejamine denant di lui,
e su l'olme dai siei pas la dretece. R.

SECONDE LETURE Rm 9,1-5

O bramarès di jessi taiât fûr di Crist pal ben dai miei fradis.

De letare di san Pauli apuestul ai Romans

Fradis, o dîs la veretât unît come ch'o soi a Crist; no dîs bausiis e la mî cussience mal conferme in union cul Spiritu Sant: o ai grant dolôr, un aviliment tal gno cûr che nol soste. Di fat o bramarès di jessi maludît di Diu, taiât fûr di Crist pal ben dai miei fradis, ch'a son de mî stesse gjernazie seont la cjar. Di fat lôr a son israelits, e je lôr la fiolance di anime, la glorie, lis aleancis, a lôr ur è stade

dade la leç, lôr al è il cult, lôr a son lis promessis, lôr a son i patriarchis, di lôr al salte fûr Crist par chel ch' al rivuarde la sô nature umane, lui ch' al parone dut, ch' al è Diu e benedît tai secui. Amen. Peraule di Diu.

CJANT AL VANZELI Sal 129,5

R. Aleluia, aleluia.

O spéri, Signôr;
o spieti la sô peraule.

R. Aleluia.

VANZELI Mt 14,22-33

Comande che o vegni ancie jo fin li di te su l'aghe.

Dal vanzeli seont Matieu

Passude la fole, subit dopo Gjesù al ordenà ai dissepui di spesseâ a montâ su la barcje e di lâ denant di lui sun chê altre rive, intant che lui al varès mandade vie la int. Ma, finît di mandâ vie la int, al le su la mont, fûr di man, a preâ.

Rivade gnot, al jere li dibessôl, biel che la barcje e jere cualchi mie lontane de tierie, sbalotade des ondis; che di fat al jere l'aiar contrari. Sul cricâ dal di Gjesù al vignì viers di lôr ejaminant sul mât. I dissepui, viodintlu a cjaminâ sul mât, a cjaparin un grant spac, scrupulant che si tratâs di un fantasme, e pe pôre a tacarin a berlâ. Ma Gjesù ur fevelâ subit disint: «Fasêtsi il cûr fuart, o soi jo; no stait a vê pôre!». Alore Pieri lu preâ disint: «Signôr, se tu sêts propit tu, comande ch'o vegni ancie jo fin li di te su l'aghe». E lui: «Ven!». Alore Pieri al dismantâ de barcje e al tacâ a cjaminâ parsore da l'aghe lant de bande di Gjesù. Ma viodint che l'aiar al sofslave masse fuart, lu gafâ la pôre e, stant che al tacave a lâ sot, al berlâ disint: «Signôr, salvimi!». Gjesù al spesseâ a slungjâ la man, lu cjapâ e i disè: «Om di pocje fede, parcè mo âstu dubitat?». Montâts su la barcje, l'aiar al cessâ. Chei ch'a jerin su la barcje si butarin in zenoglon denant di lui disint: «Tu sêts propit il Fi di Diu!».

Peraule dal Signôr.

Su lis ufiertis

Acete di bon voli, Signôr, i regâi de tô Glesie,
che tal to boncûr tu jai âs consegnâts par che tai ufrissi,
e cu la tô fuarce fasiju deventâ il misteri che nus salve.
Par Crist nestri Signôr.

Antifone a la comunio Sal 147,12.14

Gjerusalem, dai glorie al Signôr,
cu la flôr dal forment lui ti sostente.

O ben: cf. Zn 6,51

Il pan ch'o darai jo
e je la mê cjar, par che il mont al vivi, al dîs il Signôr.

Daspò de comunio

La comunio cui tiei misteris
che nus salvi, Signôr,
e nus confermi te lûs de tô veretât.
Par Crist nestri Signôr.